



T.B.M.M

DDC : 000.21

YER : T01

BSM :

CLT : c.4

KSM :

KOP : k.2

DEM : 96-9245

KÜTÜPHANESİ

❀ دستورك دردنجی جلدی فهرستی ❀

صحیفه

❀ ملكيه ❀

۱ قانون انناسينك نشر واعلاننه دائر خط همايون

۴ قانون اساسی

۲۰ هیئت اعیان نظامنامه داخلی

۳۶ هیئت مبعوثانك نظامنامه داخلی

۵۸ باب عالی اوراق او طه سی نظامنامه سی

۶۰ امتیاز نشانی نظامنامه سی

۶۱ شفقت نشانی نظامنامه سی

۶۳ سجل مأمورین قومیسونی تعلیماتی

۶۶ عساکر ملكيه نظامنامه سی

۷۱ اداره عرفیه قرار نامه سی

۷۲ دستور انجمنی نظامنامه سی

❀ عليه ❀

۷۳ مجلس تدقیقات شرعیه تعلیماتی

۷۶ فتواخانه نظامنامه سی

۷۸ بلاینه مضعونه عمل جائز اوله جق سندات شرعیه نك تنظیمه دائر تعلیمات سفیه

۸۳ سجلات شرعیه و ضبط دعاوی جریده لری حقنده تعلیمات

۸۵ اتفاق ایتم وارامل و رجال علیه حقنده نظامنامه

۸۹ ایتم عهده سنده بولنان چفتلکات حقنده نظامنامه

۹۰ ملك عقار اولان املاك ایچون محاکم شرعیه دن ویریه جك اعلامات حقنده

نظامنامه

۹۲ سلاح اتنده ایکن وفات ایدن ملازم ثانی مادوننده افراد عسکریه ترکه سندن

خرج قسمت و اعلام التماسی حقنده مذکره سامیه

❀ عليه ❀

۹۳ مجله احکام عدلیه دن کتاب خامس عشر یدنات و تحلیف حقنده

(هیئت مبعوثان نظامنامه داخلی)

❀ برنجی فصلی ❀

(موقت رئیس و کاتبرک تعیینی و اوراق انتخابیه نك تدقیق و معاینه سی)
(بیانده در)

برنجی ماده هرا اجتماع سنوینك برنجی مجلسنده رئیس ایله رئیس وکیلارینك اراده سنیه شاهانه ایله مأموریتلری زمانه قدر موجود مبعوثلرك الك مسنی موقتاً ویاست ایدر سنا الك کوچك ایکی مبعوث موقتاً کتابت مأموریتنی ایفا ایلر رئیس موقت بولندیغی زمان اعضای موجوده دن الك مسنی و موقت کاتبردن یرینك غیابی تقدیرنده یرینه حضاردن سنا الك کوچك اولان مبعوث قائم اولور ایکنجی ماده موقت رئیس و کاتبرلر تعیین ایدلدیکنك عقیننده هیئت مبعوثان اعضای قرعه ایله بش شعبه یه تقسیم اولور بوشعبه لر برنجی ایکنجی اوچنجی دردنجی بشنجی ناملریله یاد ایدیلور

اوچنجی ماده هیئت مبعوثانك جله سی مجدداً انتخاب اولنش ایسه شعبه لرك تشکلی متعاقباً اوراق انتخابیه لری اوزرینه صره سیله عدد وضع اولنهرق رئیس طرفندن لاجل التدقیق باقرعه شعبه لره توزیع اولور شوقدرکه بر مبعوثك اوراق انتخابیه سی منسوب اولدیغی شعبه ده تدقیق اولتیوب ینه قرعه ایله دیگر شعبه لره توزیع اولور مبعوثلرك بعضیسی مجدداً انتخاب ایدلش ایسه اول باول طقوزنجی ماده ده بیان اولنان اکثریت اصولنه توفیقاً رئیس ایله رئیس وکیل نامزدلری و کاتبرلری انتخاب اولنوب بعده اوراق انتخابیه سی ینه قرعه ایله شعبه لره توزیع ایدیلور هر شعبه کندویه حواله اولنان انتخابنامه لری اوراق متفرعه سیله برابر تدقیق و معاینه ایچون قرعه ایله بشر اعضادن مرکب انجمنلره تقسیم ایدر هر انجمنك بش اعضاسندن بری نتیجه تدقیقاتی حاوی یاییله جق مضبطه نك تنظیمه مأمور اولور کذلک بهر سنه مجلسك یوم کشادنده قرائت بیوریه جق نطق همایونه حضرت شہریاری اوزرینه هیئت مبعوثان طرفندن تنظیم اولنه جق تشکر مضبطه سنك پیش کون طرفنده تقدیمه اهتمام ایدیله چکدر

(دردنجی ماده)

در دنجی ماده تدقیق انتخاب مضبطه لری تنظیم اولند قجه شعبه لر دن رئیس تقدیم اولنوب مبعوثانك هیئت عمومیه سنده قرائت اولنور هر مضبطه قرائت اولند قدن صکره مجوٹ عنده اولان انتخاب قانونك تعیین ایلدیکی اصول و شرائطه توفیقاً جریان ایتیش اولدیغنه اکثریت آرا ایله قرار ویریلور ایسه انتخابی تدقیق اولنان مبعوثانك اعضا لغه قبول اولندیغی رئیس طرفندن هیئته بیان اولنور

تدقیق انتخاب مضبطه سی حکمنجه انتخابی تعلیل اولنان مبعوثانك اعضا لغه قبول وعدم قبولی مضبطه نك هیئتمنده قرائت اولندیغی کون موقع مذاکره یه قونیه میوب بشقه بر کونه تعلیق اولنور

بشجی ماده انتخابی اصول و شرائط موضوعه سنه توفیقاً جریان ایلدیکنه هنوز حکم اولنماش اولان مبعوثانك اثنای مذاکرته بیان افکاره واعطای رایه صلاحیت لری وارد فقط بر مبعوثانك تدقیق انتخاب مضبطه سی هیئتمنه موقع مذاکره یه قوندقدن صکره اعضا ل قدن موقتاً ساقط اولسی لازم کلور برده کرک شعبه لر ده کرک هیئت عمومیه ده بر مبعوثانك اعضا لغه قبولی حقه ده رایه مراجعت اولند قدده کندوسی رأی ویره من

التنجی ماده بر مبعوثانك اعضا لغه عدم قبولنه هیئتمنه قرار ویرلده فسخ انتخابی موجب اسبابك تصریحیله برابر تکرار انتخاب ایتدیلمسی لزومنی متضمن مضبطه سی تنظیم و رئیس طرفندن مقام صدارته تقدیم اولنور

یدنجی ماده مبعوثانك عدد مرتبك ثلاثی اعضا لغه قبول اولندقدن صکره رئیس ایله رئیس وکیلی نامزدلرینك انتخابنه مباشرت اولنوب بونلر اراده سنیه شاهانه ایله مأموریت لری اجرا اولنجه یه قدر اعضای سارهنك اکیال تدقیقات انتخابیه لرینه دوام ایدیلور

❀ ایکنجی فصل ❀

(رئیسك و رئیس وکیلرینك و کاتیرك انتخاب و نصبی بیاننده در)

سکزنجی ماده هیئت مبعوثانك بر رئیس وایکی رئیس وکیلی ایله لا اقل ایکیمی مجلسده بالمناوبه بولمق اوزره درت کاتبی و مجلسك انضباط و محاسبات داخلیه سنه طابق ایچون اوج اداره مأموری وارد

طقوزنجی ماده ریاست ایله برنجی ریاست وکالتی وایکنجی ریاست وکالتی
 مأموریتلری ایچون اوچر نامزد انتخاب اولنور بو انتخاب اوچ مأموریتدن هر بری
 ایچون بشقه بشقه اولقی یعنی اعضادن هر بری تنظیم ایده جکی رأی ورقه سنده
 مناسب کوردیکی اوچ ذاتک اسمنی تعیین ایلک اوزره رأی خفی اصولنه مراجعتله
 اجرا اولنور بو انتخاباتک هر برنده برنجی دفعه اکثریت مطلقه حاصل اولز ایسه
 تکرار رأی خفییه مراجعت اولنور ینه اکثریت مطلقه حصوله کلز ایسه ایکنجی
 دفعه ده اک زیاده اکثریت اضافیه قزانان التی ذات حقنده صوکه دفعه اوله رق
 رأی خفییه مراجعت اولنور اوچنجی دفعه ده مطلق ویا اضافی اولسون اک
 زیاده اکثریت قزانان اوچ ذات کیلر ایسه نامزدلکه انتخاب اولنور

اوچ دفعه ناک قنغیسنده اولور ایسه اولسون ایکی ذاتک قزاندیغی عددآرا مساوی
 اولور ایسه قرعه ایله ایکیسندن بری تعیین اولنور رأی خفی صندوقنی علناً آچوب
 رأی ورقه لرنده محرر اسامی بی قید و ضبط ایله نتیجه سنی بیان ایلک اوزره اعضای
 موجوده دن براقاج ذات قرعه ایله تعیین اولنور ختام معامله ده نتیجه سی رئیس
 موقت طرفندن هیئته بیان ایدیلور

اونجی ماده رئیس ورئیس وکیلی نامزدلک لرنه هیئجه انتخاب اولنان ذاتلرک
 اسامی سنی مبین مضبطه سی تنظیم ورئیس موقت طرفندن مقام صدارته تقدیم اولنور
 رئیس ایله رئیس وکیللری مأموریتلری حقنده شرف صدور بیوریلان اراده سنی
 حضرت پادشاهی مقام صدارتدن هیئت مبعوثانه تبلیغ اولندقدن صکره ایفای
 مأموریته شروع و مباشرت ایدرلر

اون برنجی ماده کاتبلرک انتخابی رئیس ورئیس وکیلی نامزدلرینک انتخابی
 متعاقب طقوزنجی ماده ده تعیین اولنان اصوله توفیقاً اجرا اولنور بونلرک رئیس
 ورئیس وکیللریله برابر ایفای مأموریته باشلار

اون ایکنجی ماده رئیس ایله رئیس وکیللرینک و کاتبلرک مدت مأموریتلری
 ایرتسی سنه ناک مبدأ اجتماع عادیسی زمانه قدردر

✽ اوچنجی فصل ✽

(شعبه وانجمنلرک صورت تشکل ووظیفه مأموریتلری بیاننده در)

اون اوچنجی ماده ایکنجی ماده موجبجه شعبه لر تشکیل اولندقدن هر بری
 (کنندو)

کندو ایچندن طقوزنجی ماده تعیین اولنان اصوله توفیقاً بر رئیس و برکاتب انتخاب ایدر شعبه لک مدت مأموریتی ایکی آی اولوب هرایکی آیده بر کره تجدید اولنور اون دردنجی ماده شعبه نك اعضای مرتبه سندن لاقل نصفی موجود اولدقجه رأیه مراجعت اولنه مز شعبه لک مذاکراتی هیئت عمومیّه تعیین ایندیکی مواد صره سنجه جریان ایدر هراجماعك مذاکراتی ضبط اولنوب ضبط ده اعضای موجوده نك عددی بیان اولنور

اون بهنجی ماده مستعجل طوطلسنه هیئت عمومیّه ده قرار ویریلان مواد مستثنا اولق اوزره شعبه لره حواله اولنان لایحه و اوراقك مذاکره سنه يوم توزیعندن لاقل برکون صکره باشلنه یلور

اون التجبی ماده هیئت مبعوثانه حواله اولنان لایحه و اوراقك تدقیق ایچون اعضای شعبه لردن انتخاب اولنق اوزره بر انجمن تشکیل اولنور

انجمنلر هر شعبه دن بر اعضا التیق اوزره علی السویه بشر اعضادن مرکب اولوب مصلحتك درجه اهمیته کوره هیئت عمومیّه نك قرار یله اون یاخود اون بش اعضادن دخی ترکیب اولنه یلور

اون یدنجی ماده هر شعبه بر لایحه و یاورقه نك تدقیق ایچون تشکیل اولنه جق انجمنه کندو ایچندن اعضا تعیین اینزدن اول اول لایحه نك و یاورقه نك مذاکره ابتدایه سنه باشلا یوب مذاکره نك ختامنده تعیین اولنه جق اعضا نك انتخابی طقوزنجی ماده ده بیان اولنان اصوله توفیقاً اجرا اولنور

اون سکزنجی ماده شعبه لره حواله اولنان لایحه و یاورقه نك تدقیقنه مأمور انجمن اعضا نك هیئت عمومیّه جده انتخابی اعضادن بری طرفندن تکلیف اولندیغی حالده اکثریته دائر طقوزنجی ماده ده تعیین اولنان اصوله توفیقاً اجرایی هیئت عمومیّه قرارینه متوقعدر

اون طقوزنجی ماده هیئت مبعوثانه اعطا اولنان لایحه و یاورقه نك اول ماده یه متعلق دیگر لایحه بی تدقیقنه مأمور انجمنه حواله اولنه یلور

یکرمنجی ماده ایکی آیده بر کره شعبه لک حین تجدیدنده اوزر اعضادن مرکب ایکی انجمن تشکیل اولنور بری مبعوثانن برینك و بر قاجینك اعطا ایلدک لری لایحه لری و دیگر هیئت مبعوثانه ویریلان عرضحال لری تدقیقنه مأمور اولور

یکرمی برنجی ماده ہر سہ موازنہ مالیہ قانونی لایحہ سنک تدقیق ایچون اعضاسی شعبہ لردن انتخاب اولئق اوزرہ اون بش اعضادن مرکب آریحہ برانجمن تشکیل اولنور محاسبہ قطعہ قانونی واردات و مصارفات دولتک تزیید و تنقیضنی انتاج ایدہ جک خصوصانہ دائر قانون لایحہ لرینک جلہ سی موازنہ انجمنہ حوالہ ایدیلور یکرمی ایکنجی ماده برانجمنک اعضاسی انتخاب اولندیغنی متعاقب بالاجتماع ایچلرندن بررئس و برضبط کاتبی و برده نتیجہ تدقیقاتی حاوی مضبطہ بی قلعہ المق اوزرہ مضبطہ محرری تعیین اولنور رئیسک وضبط کاتبیہ مضبطہ محررینک انتخابی اکثریتہ دائر طقوزنجی مادہ دہ تعیین اولنان اصولہ توفیقاً اجرا ایدیلور برانجمنک ہر اجتماعندہ موجود اعضانک عدد واسامیسی اول اجتماعک ضبطندہ تصریح قلنور اعضادن ہر بری کلدیکی وقت دفتر مخصوصنہ اسمنی قیدہ مجبوردر یکرمی اوچنجی ماده ہر انجمنک تنظیم ایلدیکی مضبطہ ہیئت عمومیہ دہ مقام ریاستہ اعطا اولنور و ہیئتجہ مراد ایدیلور ایسہ علنا او قونور انجمن مضبطہ لری ہر حالہ طبع ایتدیریلوب نسخ مطبوعہ سی عموم مبعوثانہ توزیع اولنور ہیئتجہ مستعجل طوتیلان مواددن ماعداد خصوصانہ نسخ مطبوعہ نک توزیعی بدایت مذاکرہ دن لا اقل برکون اول اجرا اولئق لازم کلور

یکرمی دردنجی ماده بر مبعوث ایکی انجمن اعضاسندن بولندیغنی حالہ براوچنجی انجمنہ اعضا اولہ من اول ایکی انجمنندن برینک ختامیلہ مضبطہ سی اعطا اولئش اولدیغنی تقدیردہ جائز اولور

یکرمی بشنجی ماده شعبہ لردہ و انجمن لردہ مذاکرہ اولنہ جق موادہ دائر کافہ اوراقی رئیس ایجاب ایدن محللرہ توزیع و ارسال ایدر بواورافک عائد اولدیغنی لایحہ لر حقندہ ہیئت عمومیہ دہ قرار قطعی و برلر کدن صکرہ بطالری ہیئت مبعوثانہ مخصوص خزینہ اوراقہ تسلیم و حفظ اولنور

﴿ دردنجی فصل ﴾

(قانون لایحہ لرلہ تنظیم و یا تعدیل قانون استدعاری)

یکرمی التنجی ماده مقام صدارتدن ہیئت مبعوثانہ حوالہ اولنان قانون لایحہ لری ہیئتجہ طلب اولندیغنی حالہ علناً قرائت ایدیلور

(رئیس)

رئیس قانون لایحه لرینی اسباب موجبہ بی حاوی تقریریلہ برابر طبع ایتدیروب نسخ مطبوعہ سنی اعضایہ توزیع ایتدیروب بونلرک شعبہ لرہ ویا موجود انجمنی واریسہ اورایہ حوالہ رسمیہ سنی اجرا ایلر

یکرمی یدنجی ماده مجدداً بزقانون تنظیمہ ویا قوانین موجودہ دن برینک تعدیلنہ دائر حکومت سنیہ یہ بر استمدعا نامہ تقدیمی مبعوثلردن بر ویا بر قاج ذات تکلیف ایتک مراد ایلدکری حالده رئیسہ اسباب موجبہ بی حاوی بر تقریر تقدیم ایتک لازم کلور بوتقریر ہیئت عمومیہ ده قرائت اولندقدن صکرہ تکلیفک نظر مطالعہ یہ انوب النامسی حقندہ رأیہ مراجعت اولنور

نظر مطالعہ یہ النغمہ ہیئتجہ قرار ویریلور ایسہ یکرمجی ماده ده بیان اولنان انجمن مخصوصنہ حوالہ ایدیلور

حوالہ اولنان تکلیف حقندہ انجمنک تنظیم ایلدیکی مضبطہ ہیئت عمومیہ کلوب قرائت اولندقدن و ہیئتجہ مذاکرہ جریان ایلدکدن صکرہ رأیہ مراجعت اولنور اکثریت آرا ایلہ قبولہ مقرون اولور ایسہ اقتضا ایدن لایحه نک تنظیمی خصوصنک شورای دولته حوالہ سنی مستدعی مقام صدارتہ بر مضبطہ تقدیم اولنور یکرمی سکرنجی ماده تنظیم ویا تعدیل قانونہ دائر اولان تکلیفک ہیئت عمومیہ ده اکثریت آرا ایلہ ردی تقدیرنده تاریخ ردندن اعتباراً لاقلاً ایکی ماه مرور ایتدیکجہ تکرار درمیان اولندمز

✽ بشنجی فصل ✽

(وکلای دولتن استیضاح مواد بیاننده در)

یکرمی طقوزنجی ماده بر ماده نک وکلای دولتن استیضاح اولنسنی مبعوثاندن بری تکلیف ایتدیکی حالده رئیسہ اسباب موجبہ بی حاوی بر تقریر تقدیم ایتک لازم کلور بوتقریر ہیئت عمومیہ ده قرائت اولندقدن صکرہ اساس ماده نک مذاکرہ سنہ کیریشلیہ رک قبول وعدم قبولی حقندہ رأیہ مراجعت اولنور اکثریت آرا ایلہ قبول اولنور ایسہ برکون تعییننہ قرار ویریلور کندوسندن استیضاح ماده اولنہ جق ذاتک اوکون ہیئت مبعوثانہ کلمسی ویا معینده کی رؤسای مأموریندن برینی

کوندرسی ایچون استیضاح اولنه جق ماده نك تصریحیله برابر رئیس طرفندن دعوتنامه یازیلور

اوتوزنجی ماده وکلای دولتن دعوت اولنان ذات یوم معینه بالذات حاضر اولدیغی ویا معینده کی رؤسای مأموریندن بری موجود بولندیغی حالده هیئت عمومیده استیضاح ماده اولندقدن صکره الله جق جوابه اعضای موجوده نك بری مقابله ایده میوب تکلیفک صاحبی اولان مبعوث اولا و سائر مبعوثان مؤخرأ ایراد کلام ایده یاورلر

اوتوز برنجی ماده وکلادن مدعو اولان ذاتک وبالوکاله کلان مأمورک ویردیکی ایضاحات و تکلیفک صاحبی اولان مبعوث طرفندن بالمقابله وقوعبولان افادات اوزرینه ایضاحاتک کافی اولوب اولمادیغی حقنده بعدالذاکره رأیه مراجعت اولنور هیئجه ویریه جک قرارده اسباب موجب کوسترلسنی تکلیف ایدن اولور ایسه اسباب موجب بی مین برورقه تنظیم ورئسه اعطا ایتسی لازم کلور اسباب موجب بیاندن صرف نظر اولنمسی حقنده تکلیف وقوعبولور ایسه هر حالده اول باول تکلیف حقنده اکثریت آرایه مراجعت اولنور

❀ النجی فصل ❀

(وکلای دولتن بری علیه شکایت بیاننده در)

اوتوز ایکنجی ماده مبعوثلردن بری ویا برقاچی هیئت مبعوثانک داخل دائره وظیفه سی اولان احوالدن طولابی وکلای دولتن بر ذات حقنده مسئولیتی مستلزم شکایت بیان ایتک ایسته دکری حالده رئیس بر تقریر اعطا ایتک لازم کلور

بوتقریر هیئت عمومیده قرائت اولندقدن صکره قنغی شعبه به حواله اولنه جفته اکثریت آرایه قرار ویریلوب تاریخ اعطاسندن نهایت اوج کونه قدر رئیس طرفندن او شعبه به کوندرسیلور

شعبه جه تحقیقات لازمه اجرا و اشتمکا اولنان ذات طرفندن ایضاحات کافیه استحصال اولندقدن صکره شکایتک هیئجه شایان تدقیق و مذاکره اولدیغنه اکثریت (آرا)

آرا ايله قرار و يرلديكى حالده برقرارنامه ترتيب اولنوب هيئت عموميه ده قرائت اولنوب انك اوزرينه شكاييت اولنان ذاتك دعوت اولنمى لازم كلور ايسه دعوت اولنوب هيئت عموميه بالذات ويا بالواسطه ويره چكى ايضاحات استماع اولندقدن صكره اكثريت آرايه مراجعت ايديلور قرائت اولنان قرارنامه اعضاى موجوده نك نشان اكثريت مطلقه سايه قبول اولنور ايسه محاكمه طلبى مشعر مضبوطه سى تنظيم ورئيس طرفندن مقام صدارته تقديم قلنور

❀ يدنجى فصل ❀

(قانون لايحه لرنيك هيئت عموميه ده اصول مذاكراتى بياننده در)

اوتوز اوچنجى ماده مواد مستعجله نك غير خصوصياتده هر قانون لايحه سنى لاقلا بش كون فاصله و يرلك شرطيله ايرى ايرى ايكي دفعه كاملا قرائت و مذاكره اولندقجه قبول و ياردى حقنده اكثريت آرايه مراجعت اولنه من اوتوز دردنجى ماده برانجمنه حواله اولنان قانون لايحه سى حقنده مبعوثلرك برى و يابرقاچى تعديلات تكليف ايتك مراد ايدرلر ايسه اول تعديلاتى نحر برأ عائد اولديغى ماده نك تصريحييله برابر رئيسه تبليغ الطلرى لازم كلور رئيس طرفندن دخى اول انجمنه حواله اولنور لايحه نك هيئت عموميه ده مذاكره سى ائناسنده او تعديلاتك صره سى كلكده صاحبي اسباب موجب سنى تفصيل ايدوب اعضاى موجوده دن ترويج و تأيد ايدن بولنور ايسه موقع مذاكره به قونيلور حكمتى تقديرنده مذاكره سندن صرف نظر اولنور

اوتوز بشنجى ماده هيئت عموميه ده در دست مذاكره بولنان بر ماده حقنده تكليف اولنان تعديلك ينه اول مجلسده اكثريت آرا ايله رد و قبولنه وقت اولمز ايسه استينلان تعديلك صورتى طبع ايتديريلوب نسخ مطبوعه سى ايرتسى مجلسدن اول اعضايه توزيع اولنور

اوتوز التنجى ماده بر قانون لايحه سنك برنجى مذاكره سى ختام بولدقده تكليف اولنان تعديلات اول لايحه نك تدقيقنه مأمور انجمنه اعطا اولتقى و نسخ مطبوعه سى ايكنجى مذاكره به بدأ اولنوزدن اول اعضايه توزيع ايدلك لازم كلور

اوتوز یدنجی ماده برنجی وایکنجی مذاکره نك جریانی اثناسنده تکلیف اولنان تعدیلاتك عائذ اولدیغی انجمنه حواله سنی اول انجمنك مضبطه محرری طلب ایدر ایسه حواله سی لایدر

اوتوز سکنجی ماده ایکنجی مذاکره نك جریانی اثناسنده تکلیف اولنان تعدیلاتك اصحابی طرفندن اسباب موجب سی بجملا بیان اولنور بوکا یالکز انجمن اعضاسی جواب ویره یلور انك اوزرینه ایستیلان تعدیلاتك نظر مطالعه یه النوب النامسنه هیئجه قرار ویریلور ویریلان قرار نظر مطالعه یه النمسنی منتج ایسه انجمنك تدقیقه حواله اولنور هر حالده بونلك قبول و یاردی حقنده اکثریت آرایه مراجعت اولنمی هیئته تکلیف اولندیغی کون اجرا اولنه مز

اوتوز طقوزنجی ماده تعدیلات تکلیف ایدنلك مراد ایدنکری حالده انجمنه کیدوب افاده مرامه صلاحیتری وارد

قرقنجی ماده برلایحه عائذ اولدیغی انجمنه حواله اولندقدن صکره دخی مواد مندرجه سی حقنده تعدیلات تکلیفی جائز اولوب اول حالده قواعد مشروحیه توفیقاً ایجابی اجرا اولنور

قرق برنجی ماده انجمنك تنظیم ایلدیکی مضبطه رئیس مبعوثانه اعطا ونسخ مطبوعه سی اعضاسیه توزیع اولندقدن صکره یوم مذاکره هیئجه تعیین اولنور برنجی مذاکره قانون لایحه سنك هیئت مجموعه سی حقنده جریان ایدر مذاکره عمومیه ختام بولدقده رئیس طرفندن ماده بماده مذاکره اولنوب اولنماسی هیئندن سؤال اولنوب ماده لك مذاکره سنه بکلامسنه قرار ویریلور ایسه لایحه نك هیئجه قبول اولندیغی رئیس جانبدن بیان اولنور عکسی تقدیرنده لایحه نك مواد مندرجه سندن هر بری اکا متفرع تعدیلات ایله برابر صره سیله مذاکره اولدقدن صکره ایکنجی مذاکره یه کچیلوب بکلامسنه قرار ویریلور

قرق ایکنجی ماده ایکنجی مذاکره اثناسنده هر ماده نك واکا متفرع تعدیلاتك قبول وعدم قبولی حقنده اکثریت آرایه مراجعت اولنور

لایحه نك قطعاً قبول و یاردی حقنده اکثریت آرایه مراجعت اولنزدن اول لهنه ویا علیه ملاحظات عمومیه بیانه هر مبعوثك صلاحیتی وارد

قرق اوچنجی ماده منافع محلیه یه عائذ قوانین ایکی دفعه مذاکره قاعده سندن مستثنا اولوب قطعاً قبولی حقنده اکثریت آرایه مراجعت اولنق ایچون بردفعه (مذاکره)

مذاکره کافیدر بونلره عائد لایحه لرك و بونلر ایچون تکلیف اولنان تعدیلاتک اکثریت ارا ایله قبول و یاردی مواد مستجمله یه دأرطقوزنجی فصلده تعیین اولنان اصوله توفیقاً اجرا اولنور اثنای مذاکره تکلیف اولنان تعدیلات و علاوات اونوز سکزنجی ماده ده محرر قواعد تابعدر

✽ سکزنجی فصل ✽

(هیئته و بریلان عرضحالر بیاننده در)

قرق دردنجی ماده هیئته و بریلان عرضحالر صاحبک امضاسیله ممضی اولق و شهرتیه مسکنی عرضحال زیرنده کوسترلک و برقاچ امضایی حامل ایسه ایچلرندن برینک اولسون مسکنی تصریح ایدلک و برده صاحبی و یا اصحابی مدعی صفتنده بولنلق شرطدر هیئته و بریله جک عرضحال رئیس کوندرلک لازم کاور مبعوثلردن برینک واسطه سیله رئیس اعطا ایدیرلک جائز ایسه ده اول حالده مبعوث اعطا ایده جکی عرضحالك اوزرینه کندو واسطه سیله ویرلدیکنی شرح و بره رک زیرینی امضا ائلك اقتضا ایدر

جمعیتله کتوریلان و یا برطرفدن کوندریلان عرضحال ریاست طرفندن قبول اولنه مز و مبعوثلرک هیچ بری طرفندن ریاسته اعطا ایدیه مز قرق بشنجی ماده عرضحاللرک و رودی صره سنجه هر برینک اوزرینه عدد وضع اولنوب خلاصه سی دفتر مخصوصه قید اولنور عرضحالك عددی صاحبک امم و شهرت و مسکنی و مبعوثلردن برینک واسطه سیله اعطا اولنش ایسه اول مبعوثک اسمی خلاصه ده کوستریلور

قرق اتنجی ماده دفتره قید اولنان عرضحالر رئیس طرفندن عرضحال انجمنه کوندریلور دیگر انجمنک تدقیقنه حواله اولنان لایحه یه عائد اولانلر رئیس طرفندن طوغریدن طوغری به اول انجمنه ارسال اولنور

بر انجمنه حواله اولنان عرضحالی مبعوثاندن هر قغیبسی مراد ایدر ایسه او انجمنک رئیسنه مراجعت ایله مطالعه ایده یلور

قرق یدنجی ماده عرضحال انجمنی کلان عرضحالری برر برر تدقیق و اوج

قسمه تقسیم ایدر برنجیسی وکلای دولندن برینه تبلیغ اولنقی ایجاب ایدن
ایکنجیسی وکلای دولندن برینه تبلیغله برابر هیئت عمومیه جه تدقیقنه لزوم
کورینان اوچنجیسی وکلای دولندن برینه و هیئت عمومیه تبلیغه شایان
اولیان عرضحالدر برادرمک شخصندن طولانی اولوبده عائد اولدیغی
مأمورین دولته ویاخود اوامورک منسوب اولدیغی مرجعه اول امرده
مراجعت ایتمدیکی تین ایدر ایسه ویردیکی عرضحال کندوسنه رد اولنور
بر عرضحال اوزرینه اتخاذ اولنان قرار عرضحالك مرقم اولدیغی عددك درجیه
تحریرا صاحبنه بیلدیریلور

قرق سکزنجی ماده هر هفته عرضحال انجمنه قاج عرضحال ورود ایدر ایسه
هر برینك عددینی صاحبك اسم و شهرت و مسکنی و خلاصه استدعاسنی و انجمنه
حاصل اولان نتیجه تدقیقات ایله اسباب موجبة بجمله سنی مبین بر جدولك تنظیم
اولنوب نسخ مطبوعه سی اعضای هیئه توزیع اولنور انجمنه کوریلان لزوم
اوزرینه اتحاد آرا ایله قرار ویرلدیکی حالده بر عرضحالك یالکز عددی صاحبك
اسم و شهرت و مسکنیه برده نتیجه تدقیقاتك جدول درجیه اکتفا جائز اولور
قرق طقوزنجی ماده عرضحال انجمنی هر هفته کندوسنه حواله اولنان عرضحالك
حقنده اجرا ایلدیکی تدقیقاتك نتایجنی متضمن بر تقریر تنظیم ایدر و بوتقریر هیئت
عمومیه قرائت اولنور

موقع مذاکره قونیلان عرضحال حقنده اکثریت ارایه مراجعت اولنور
النجی ماده وکلای دولندن برذاته تبلیغ اولنان عرضحاله دائر نهایت اونیش
کونه قدر جواب ظهور ایترایسه رئیس طرفندن باند کره تأکید و اخطار اولنور

﴿ طقوزنجی فصل ﴾

(استیصال قراری بیانده در)

اللی برنجی ماده بر قانون لایحه سنك ویا بر تکلیفی حاوی تقریرك حین اعطاسنده
مستعمل طو تلسنی وکلای دولندن بری ویا تکلیف صاحبی ویاخود اعضای
هیئندن بر دیگری تحریراً طلب ایده یلور بوطلبی حاوی اولان ورقده اسباب
موجبه کوسترلك لازم کلور

(اللی ایکنجی ماده)

الهی ایکنجی ماده طلب و تعجیل قبول و عدم قبولی ریاست طرفندن سؤال اولنوب هیئتجه قبول اولندیغی حالده لایحه نك و یا تکلیفك عائذ اولدیغی انجمنه وعائذ اولدیغی انجمن یوق ایسه شعبه لره حواله سنه قرار و یریلور واشبو لایحه و یا تکلیف شعبه و یا انجمنجه غیر مستعجل اولان امورده تقدیم اولنور

الهی اوچنجی ماده تعجیلی قرار کیر اولان لایحه و تکلیف یالکز بر دفعه مذاکره اولنور اول امرده عموم مندرجاتی اوزرینه مذاکره جریان ایدوب بعده ماده بماده مذاکره سنه یکیلوب یکلماش طرف ریاستدن سؤال اولنور ماده لرك مذاکره سنه ابتدار اولنمسنه هیئت موافقت ایتز ایسه اول لایحه و یا تکلیف رد اولنمش اولور

عکسی تقدیرنده هر ماده نك و اکا متفرع تعدیلات وار ایسه انك برر برر مذاکره سنه دوام اولنور

الهی دردنجی ماده استعجال صورتی هیئتجه رد اولدیغی حالده لایحه نك و یا تکلیفك مذاکره سی و قراری اصول عادیه یه تطبیقاً اجرا اولنور

الهی بشنجی ماده مذاکره ائناسنده تکلیف اولنان تعدیلات و علوانك اسباب موجه سی تکلیف صاحبی طرفندن بجملاً بیان اولنور اگر وکلای دولندن بری و یا لایحه نك و تکلیفك مضبطه محرری طلب ایدر ایسه عائذ اولدیغی انجمنه حواله ایدیلور بویله بر طلب وقوع بولدیغی حالده مضبطه محرری اکا دائر مطالعه سی بیان ایلد کدن صکره هیئتجه نظر مطالعه یه النوب التماسنه قرار و یریلور و یریلان قرار نظر مطالعه یه التمسی منج ایسه تدقیق انجمنه حواله اولنور

الهی النجی ماده لایحه نك و یا تکلیفك حاوی اولدیغی ماده لر اکثریت ارا ایله برر برر قبول اولندقدن صکره هیئت مجموعه سی حقنده اکثریت آرایه مراجعت اولنور هیئت مجموعه سی حقنده و یریه جك قراردن اول هر مبعوث قبول و یاردینی مؤید ملاحظات عمومیه بیان ایده یلور ینه قراردن اول لایحه نك و یا تکلیفك تصحیح عبارت سنه لزوم کورینور ایسه اجرا اولنق اوزره عائذ اولدیغی انجمنه اعاده سی جائزدر بونی انجمن طلب ایدر ایسه هر حالده اعاده اولنق لازم کلور

انجمنه اعاده سی تقدیرنده بلا تأخیر تصحیحات لازمه اجرا ایله لایحه صححه هیئته اعطا اولنور هیئتجه قرائت اولندقدن صکره لایحه جدیده نك یالکز عبارت سی موقع مذاکره یه قونیلور

✽ اوچنجی فصل ✽

(استحصا آرانك اصول وقاعده سی بیانده در)

اللی یدنجی ماده هیئتک مذاکره سنه حواله اولنان خصوصانک اکثریت آرا ایله قبول وعدم قبولی اوچ صورتله اولور بری اشارات مخصوصه بری تعیین اسامی بری دخی رأی خفی اصولیدر اشارات مخصوصه ایاغه قالمق ویا النی یوقاری قالدیر مقدر زمین اسامی التمش برنجی ماده ده محرر اولدیغی وجهله اوزر لرلنده اسملری مطبوع بوصوله لرله صورت علیه ده رأی ویرمکدر رأی خفی دخی التمش ایکنجی ماده ده بیان قلنه جنی وجهله اعطای رأی الیکدر

اللی سکرنجی ماده اشبو نظامنامه نك اللی طقوزنجی والتمش اوچنجی ماده لرلنده بیان اولنان استشاردن ماعدا جیع خصوصانده اکثریت آرایه مراجعت مطلقا ایاغه قالمق ویا النی یوقاری قالدیر مقی صورتیله اجرا اولنور ویریلان قرارک نتیجه سنی تمیز و تعیینیه رئیس ایله کاتبلر مأموردر اکثریتک حصول وعدم حصولنده اشتباه واقع اولدیغنه حکم ایدر لرلیسه برکره ده اواصول اجرا اولنور ایکنجی دفعه ینه اولکی نتیجه بی ویررایسه تعیین اسامی ایله رأی علنی استحصا قلنور هیچ کیسه کرک برنجی دفعه ایله ایکنجی دفعه نك اراسنده وکرک ایکنجی دفعه ایله تعیین اسامی اصولنک اجرایی یلینده ایراد کلامه مأذون دکدر

اللی طقوزنجی ماده تعیین اسامی اصولنک اجرایی اولا اللی سکرنجی ماده ده بیان اولدیغی اوزره نتیجه قرار حقنده ایکی دفعه اشتباه وقوعنده ثانیاً امور مالیه دایر قانون لایحه لری حقنده لابددر خصوصات سائر حقنده دخی طلب اولنه یلور اثنای مذاکرته نظامنامه داخلی احکامنه توفیق حرکتیه دعوتی متضمن مسائل ایله مبعوثاندن برینک ایراد کلامدن منعه ویا تقبیحه دایر مواد مستشار بونلر هر حالده ایاغه قالمق ویا النی یوقاری قالدیر مقی صورتیله قرارگیر اولقی لازم کلور

التمشنجی ماده تعیین اسامی اصولنک اجرایی لاقلا اون بش اعضانک طلبیه متوقدر ایاغه قالمق ویا النی یوقاری قالدیر مقی صورتنک نتیجه سی شبهه لو (اولدیغی)

اولديغى تعين اتلىسى اوزرىنه رأى على اصولنك اجراسى ايچون يالكز بر مبعوثك
بيله طلبى كافيدر

ايشك لهنه ويا عليهنه تعين اسامى ايله رأى و يرلر ك اسملرى رسمى غزته يه
درج ايله اعلان اولنور

التمش برنجى ماده تعين اسامى اصولى مبعوثلر يرلو يرينه اوتورمش اولدقلى
حالده مجلس خدمه سى طاقم طاقم رأى صندوقلر ينى كزديروب هر مبعوث اوزرنده
كندى اسمى مطبوع ايكي نوع ورقه دن ياقبول معنا سنه اولان بياض ورقه يى و يا عدم
قبول معنا سنه اولان قرمزى يى كندوسنه كتوريلان صندوقك ايچنه آتمغله اجرا
اولنور

بو معامله تمام اولدقده رئيس طرفندن ختام معامله نك بيانيله برابر صندوقلر ك جله سى
كتوريلوب رئيسك ماصه سى اوزرىنه وضع اولتمى خدمه يه تنبيه اولنور
بونلرى كاتبلر اچوب هر برينك ايچنده بولنان ورقه لرى تعداد ونوعلر ينى بشقه بشقه
ضبط ايتدكدن صكره نتيجه سى رئيس طرفندن بيان ايديلور

التمش ايكنجى ماده تعين اسامى ايله استحصال آرا اولته جق اولديغى حالده
انك يرينه رأى خفى اصولنك اجراسى طلب ايدن اولور ايسه اجراسى هيئجه
اكثريت آرا ايله قراره متوققدر

رأى خفينك تعين اسامى ايله اولان رأى علنيدن فرقى شودر كه مبعوثلر كندو
اسملر ينى حاوى بياض و قرمزى ورقه لرى يرينه كندولرينه و يريلان بياض و سياه
يوارلاقردن برينى ماصه نك اوزرنده كى رأى صندوقلر ينى يرينه والرنده قاله جق
يوارلاقلى تطبيق صندوقنه اتارلر بياض يوارلاق قبول سياه يوارلاق عدم قبوله
اشارتدر

رأى صندوقلرنده بولنان يوارلاقلى كاتبلر مخصوص برتنسى به دو كوب بياض ايله
سياهرلى تفريق و علنا تعداد ايتدكدن صكره تين ايدن نتيجه رئيس طرفندن بيان
اولنور

التمش اوچنجى ماده رأى على و رأى خفى استحصالى حالنده رأيلر ك تعدادينه
باشلانمزدن اول يوقله اصولنك اجراسى تكليف اولنور ايسه اجراسنه بلا مذاكره
هيئجه اكثريت آرا ايله قرار و يريلور

يوقله اصولى حروف هجا ترتيبى اوزره مرتب اسامى مبعوثان صره سيله كاتبلر ك

بری معرفتیه او قونوب حاضر بولنائل موجود اولدقلرینی بیان ایتدیکجه اسمی حداسنه جائزه چکمه دن عبارتدر

التمش دردنجی ماده اشبو نظامنامه ده محرر انتخاباتک کافه سی هیئت عمومیه جه اولسون وشعبه وانجمنلرجه وقوعبولسون رأی خفی اصولیه اجرا اولنور هیئت عمومیه ده وقوعبولان انتخابلر ایچون هر مبعوث رأی ورقه سنی یعنی تنسیب ایلدیکی ذاتک و یا ذاتلرک اسمنی حاوی پوصله بی بر آچیق ظرف ایچنده اولدیغی حالده ماصه سنک اوزرنده کی رأی صندوقه اثار

رأی پوصله لری برقاج طاقه تقسیم اولنور هیئت مبعوثان کاتلری برر برر آچوب دروننده محرر اسامی بی ثبت دفتر ایلدکدن صکره نتیجه سی رئیس طرفندن بیان اولنور

التمش بشنجی ماده بر ماده نك مذاکره به شایان اولدیغنه هیئجه قرار ویرلسی هروقت تکلیف اولنه یلور و بو مثالو تکلیف وقوعنده قبول وعدم قبولی ایچون اکثریته مراجعت اولنور انجق استعجالی طلب اولنان مواددن دکل ایسه عائد اولدیغی انجمنک مضبطه سی ویرلش اولدقجه جائز اوله من

التمش التنجی ماده دیگر مذاکره به یکلمک و یا بر ماده نك مذاکره سی اخر بر ماده نك مذاکره سنه تقدیم اولنق و یا نظامنامه داخلی به توفیق حرکت ایدلک تکفلرندن بری وقوعبولدیغی حالده موقع مذاکره بولنان ماده نك مذاکره سندن صرف نظرله ابتدا اول تکلیف حقنده اکثریت آرایه مراجعت اولنور شو قدرکه مبعوثلردن بری ایراد کلام انجمنکده ایسه سوزینی اتمام ایتدیکجه دیگرکی طرفندن او بولده تکلیف میدانه قونیه من

التمش یدنجی ماده موقع مذاکره ده بولنان ماده حقنده تعدیل تکلیف اولنمش ایسه ابتدا بو تعدیل حقنده اکثریته مراجعت اولنوب قبول اولنمز ایسه اصل ماده ایچون اکثریته مراجعت اولنور

التمش سکزنجی ماده موقع مذاکره ده بولنان بر ماده ایکی مسئله بی حاوی بولنور ایسه بر برندن تفریقیه آیری آیری اکثریته مراجعت اولنمش طلب اولنلدیغی تقدیرده ایفای مقتضاسی ضروریدر

التمش طقوزنجی ماده قانون لایحه لری حقنده ماده بماده اکثریته مراجعت اولنور

موازنه مالیة قانونه مربوط جدولر حقنده فصل بفصل استحصال رأی اولنور هر بقانون لایحه سنک ماده لری برر بر اکثریتله قبول و یارد اولندقدن صکره هیئت مجموعه سی حقنده دخی اکثریته مراجعت ایدیلور .

یتمشجی ماده مرتب اولان اعضانک نصفندن برزیده حاضر بولندقبه مذاکره بدأ اولنمز کافه مذاکرات ثلثان اکثریتله مشروط اولیان خصوصانده حاضر بولنان اعضانک اکثریت مطلقه سیله قرارگیر اولور اعطای رأی زمانده دخی اعضای مرتبه سنک نصفندن برزیده موجود اولمق لابدر تساوی آرا وقوعنده رئیسک رأی ایکی عد اولنور اعضای موجوده نك تحقیق عددنجه رئیس ایله کاتبلرجه شبهه واقع اولور ایسه ماصه اوزرنده تعیین اسامی اصولی اجرا اولنور عدد مرتبک نصفندن لاقل برزیده اعضا موجود اولوبده آرایه مراجعت اولندقدن اکثریت مطلقه حاصل اوله مزایسه موقع مذاکره بولنان ماده نك قراری ابرتسی مجلسه براغیلور

یتش برنجی ماده وکلای دولندن بری حقنده شکایت و هیئت اعیان و هیئت مبعوثان اعضاسندن برینک اتهاسنه عائد تکلیفاتک قبولی اعضای موجوده نك ثلثان اکثریت مطلقه سنک حصوله متوقعدر قانون اساسینک تعدیلنه دائر تکلیف وقوعنده مبعوثانک عدد مرتبک لاقل ثلثانی اتساق ایتدیکه اول تکلیف قبول اولنمز اولز

یتش ایکنجی ماده هیئت عومیه ده هر ماده قبول و یارد اولندقبه رئیس طرفندن نتیجه قرار (هیئت قبول ایتدی) و یا (هیئت قبول ایتدی) دیو هیئته بیان اولنور

❀ اون برنجی فصل ❀

(هیئت مبعوثان مجالس مذاکراتنک صورت عقدی بیاننده در)

یتش اوچنجی ماده هر یوم مذاکره ده مجلسی رئیس کشاد ایدر مذاکراتک اداره سی و نظامنامه داخلی احکامنک خلدن وقایه سی و انتظامک محافظه سی ریاسته مائدر

یتش دردنجی ماده کاتلر مجلس ضبطلر نك تنظيمه نظارت ايدر هر مجلسك ابتدا سنده کاتلردن بری چکن مجلسك ضبطنی قرائت ایلر ضبط هیئجه قبول اولندقدن صکره ضبطك عائد اولدیغی کونده ریاست ایتش اولان ذات ایله کاتلرک لاقل ایکسی اوضبطی امضا ايدر

یتش بشجی ماده روزنامه مذاکره محرر موادك مذاکره سنه باشلغزدن اول هیئته تبلیغ اولنق اوزره ویرلش ویاورود ایتش اوراق واریسه رئیس انلری بیلدیرر یتش التنجی ماده هیئته تبلیغ اولنه جق اوراق ریاسته اعطا اولنور بواوراق هیئجه لزوم کورینور ایسه طبع ایتدیریلور.

یتش یدنجی ماده اعضادن هیچ بری جانب ریاستدن رخصت المدقجه ایراد کلام ایده مز رخصت الوبده ایراد کلام ایده جك مبعوث محل مخصوصه چیققی لازم کلور رئیس طرفندن مأذونیت ویریلور ایسه رنده اولدیغی حالده ایاقده ایراد کلام ایتسی جائز اولور وهرنه دیه جك ایسه رئیسه خطابا وشفاهاً افاده ایتسی لازم کلور

یتش سکزنجی ماده مبعوثلردن ایراد کلامه رخصت ایستیانلرک اسمیسنی وقوعبولان طلبلری صر سنجه کاتلر برورقهیه قید ايدر مذاکره برقانون لایحه سی اوزرینه جریان ایده جك ایسه اول لایحهیه دائر عائد اولدیغی انجمنك تنظیم ایده جکی مضبطه رئیسسه اعطا اولندقجه لهنه وعلینه ایراد کلام ایتك اوزره کیسه نك اسمی قید اولنه مز

یتش طقوزنجی ماده اثنای مذاکرته ایراد کلام ایتك ایستیانلر قید صره سنجه وقط بری لهنه وبری علیه سونلك اوزره بالنسابه ایراد کلام ايدر وکلای دولت ویا توکیل ایلدکلری رؤسای مأمورین وموقع مذاکره ده بولسان قانون لایحه سنك مضبطه سنی قلمه الان مبعوثلر قید صره سنه اتباع ایله مقید اولیوب اثنای مذاکره ده هر نه زمان ایستر ایسه ایراد کلامه مأذون اولورلر

وکلای دولتن ویا توکیل ایتدکلری رؤسای مأموریندن بری کلامه ختام وبردیکی عقینده استیضا حاك غیری مواد ده بيله قنغی مبعوث ایراد کلام ایچون رخصت ایستر ایسه ویریلور

سکسانجی ماده مبعوثلردن هر قنغیسی ذاتنه عائد بر خصوصدن طولای ایراد کلام ایتك اوزره رخصت طلب ايدر ایسه ویریلور

(سکسان برنجی ماده)

سکسان برنجی ماده ایراد کلام ایده نك صددن چیهامسی شرطدر خارجه تجاوز ایدر ایسه ریاست طرفندن اخطار اولنور ریاست طرفندن وقوعبولان اخطار حقنده ایراد کلام ایچون رخصت ایستیان اولور ایسه ویریه من

بر مقاله اثناسنده ایکی دفعه اخطار وقوعندن صکره ایراد کلام ایدن ذات ینه صددن خارج سوز سولیکه دوام ایدر ایسه کندوسنک اول کون اول ماده حقنده ایراد کلامدن ممنوعیتی رئیس طرفندن هیئته تکلیف اولنوب کیفیت مذاکره به دوشرلمکسزین وتعیین اسامی ویارای خفی به مراجعت اولنقمسزین یالکز اوتوروب قالمق صورته رأی ویریه رک قرار کیر اولور انجق بوصورته اکثریت تحقق ایدوب ایتمدیکی حقنده شبهه عارض اولور ایسه اول ذات ایراد کلامدن منع اولنر

سکسان ایکنجی ماده ایراد کلام ایدن ذاتک سوزینی کسک و ذاتیاته طوقنور سوز سولیک و مجلسک انتظامنه خلل کتوره جک معامله ده بولنق قطعیا ممنوعدر سکسان اوچنجی ماده مذاکره نك ختامی رئیس بیان ایتمزدن اول هیئته مراجعت ایدر مذاکره به ختام ویرلمسک علیه ایراد کلام ایتمک ایستیانلر اولور ایسه یالکز انره رخصت ویریه یلور

مذاکره به ختام ویریلوب ویرلماسی حقنده اکثریه مراجعت اولنوبده اکثریت نه طرفده اولدیغندن طولای رئیس وکاتبلرجه شبهه عارض اولور ایسه برکره ده مراجعت ایدیلور وینه حل اشتباه اولنه من ایسه مذاکره به دوام اولنور مذاکره به ختام ویرلمسی اکثریتله قرار کیر اولدقدن صکره مجبوث عنه اولان ماده نك لهنه ویاعلیهنه ایراد کلام ایتمک اوزره کیمسه به رخصت ویرلیوب انجق مسئله نك رأیه صورت وضعی حقنده ایراد کلام ایتمک ایستیانه ویریلور

سکسان دردنجی ماده هیئت عمومیه نك مذاکراتی کورلدی بی منتج اولوبده تسکینه رئیس موفق اوله من ایسه ایاغه قالقار اگر اول حال دوام ایدر ایسه موقتا مجلسه ختام ویرمچکنی بیان ایدر ینه اعاده انتظام ممکن اولمز ایسه بر ساعت مدته مذاکره عمومیه بی تعطیل ایدوب احوالده مبعوثلرک هربری منسوب اولدیغی شعبه به چکیلور بر ساعت مرورنده رئیس تکرار مجلسی عقد ایدر و کورلدی تجدد ایدر ایسه مجلسه ختام ویروب ایرتسی کونی اجتماعی تنبیه ایلر

سكسان بشنجی ماده وکلای دولتن برینک ویا مبعوثلردن اون بش ذاتک تکلیفی اوزرینه مذاکراتک خفیا اجراسنه قرار ویرله ییلور مذاکراتک خفیا اجراسنی طلب ایدنلر مقام ریاسته برورقه اعطا ایلک لازم کلور هیئتک بولندیغی محل خارجدن کلانلردن تخلیه اولنوب خفیا مذاکرات اجرا اولنوب اولناماسنه اکثریتله قرار ویریلور خفیا مذاکرات اجراسنی طلب ایدنلرک اسامیسی مجلسک ضبطنده تصریح اولنور مذاکراتک خفیا اجراسنه لزوم کوسترن مسئله حل اولندقه مذاکراتک صورت علیه ده اجراسی ریاست طرفندن هیئته تکلیف اولنوب اکثریت ایل ویریلان قراره کوره اقتضاسی اجرا اولنور

سكسان انجی ماده هر مجلسک ختامندن اول ایرتسی مجلسک قنغی کون وساعت قاچده باشلايه جغی ونه مذاکره اولنه جغی هیئجه قرارلشدیرلدقدن صکره مجلسه ختام ویرلديکنی رئیس بیان ایدر ایرتسی مجلسک وقت اجتماعيله موقع مذاکره قونيله جق موادی مین برروزنامه مذاکرات تنظیم اولنوب هیئت مبعوثان دائره سنک داخلنده مناسب برحله تعلیق اولنور و بونک صورتی دولتک رسمی غزنه سیله اعلان ایتدیریلور،

سكسان یدنجی ماده هیئت مبعوثانک ضبط جریده لری کذلک دولتک رسمی غزنه سیله اعلان اولنور.

❀ اون ایکنجی فصل ❀

(مبعوثلرک طشریه عزیمت ایچون مأذونیت استحصالی)

(بیاننده در)

سكسان سکزنجی ماده مبعوثلرک بری هر نه سیله اولور ایسه اولسون بالایجاب برحله عزیمت ایده جکی تقدیرده هیئندن مأذونیت المغه مجبوردر فقط پک مستعجل برحال ظهورنده اسبابنک بیانيله رئیس کوندره جکی تقریر اوزرینه بعده هیئته معلومات ویرمک اوزره مقام ریاستدن مأذونیت اعطا ایديله ییلور.

مأذون اولیه رق برطرفه کیدن مبعوثک مدت غیوبتی و مأذون اوله رق کیدوبده مدت مأذونیتنی پکوره نک دخی پکورهش اولدیغی مدتی مخصوصاتی قطع اولنور (مبعوثلردن)

مبعوثردن قنچیسى بر بر بنى متعاقب التى دفعه مجلسه دوام ايتز يعنى كرك هيئت
عموميه ده كرك شعبه وانجمنلرده بولنر ايسه غائب غير مأذون عد اولنور غائب
غير مأذون عد اولنان مبعوثك غيبو بتى معذرت مشروعه يه مستند اولديغى حالده
اسمى رسمى غزته يه درج ايله اعلان اولنور

❀ اون اوچنجى فصل ❀

(محافظه نظام وانتظام بيانده در)

سكسان طقوزنجى ماده هيئت مبعوثان اعضاسنك مبعوثلق مأمور يئنه عائد
خصوصا تدن طولايى مظهر اوله بيله جكركى معاملات جزائيه اويچ نوعدر برنجيسى
اخطارا ايكنجيسى تقبيح اوچنجيسى مجلسدن موقتاً اخراج اولنقدرد
طقماتنجى ماده هر قنغى مبعوث نظام وانتظامه مخالف حر كنده بولنور و يا خود
اشبو نظامنامه نك سكسان برنجى ماده سنده محرر حر كاتدن بريله و يا آخر صورتله
نظام وانتظامى اخلاخل ايدر ايسه برنجى دفعه اخطار اولنور
اخطار مقام رياسته مخصوص صدر ايراد كلام ايتكده اولان بر مبعوث لى الايجاب
اخطار معامله سى كورمى اوزرينه عرض مطاوعت ايدوب تبريه ذمت ايتك
ايسترايسه افاده مرام ايتسى ايچون كندوسنه رخصت ويريلور
هر قنغى مبعوث ايراد كلامه مأذون اولديغى حالده سوز سوتلسيله حقنده اخطار
معامله سى اجرا اولنور ايسه تبريه ذمتى ختام مجلسده اجرا ايتك اوزره كندوسنه
رخصت ويريلور بور رخصتك دها اول اعطاسى رياستك يداختيارنده در تبريه
ذمته دائر سويليان سوزلى رئيس تبريه ذمته كافى كورمز ايسه اخطارى ايفا
ايدر اول حالده كيفيت ضبط جريده سنه قيد اولنور

طقسان برنجى ماده مبعوثردن بوى بر مجلسده ايكنى دفعه اخطار معامله سنى
كور دكدن صكره اوچنجى دفعه نظام وانتظامه مخالف حر كنده بولنور ايسه
اول كون ختام مجلسه قدر ايراد كلامدن ممنوع اولمى رياست طرفندن هيئته
تكليف اولنوب هيئته بو صورتك قبول وعدم قبولى بلا مذاكره و يا غه قالمق
صورتيله رأى ويريله رك قرار كير اولور تقبيح جزاسى مخالف قاعده حر كت ايدن اعضا

حقننده اخطار معامله سنك اجراسيله حرکات واقعه سی هیئتجه تقبیح اولندیغنك
 علناً کندوسنه بیانی وبوحالك مجلسك ضبط جریده سنه درجی خصوصاً صرندن عبارتدر
 طقسان اینکجی ماده مبعوثلردن هرکیم طقسان برنجی ماده ده محرر ممنوعیت
 ایله محکوم اولدقدن صکره ینه طریق وظیفه شناسی به عودت ایتز ویا اوتوزکون
 مدت طرفنده آیری آیری اوج دفعه اخطار معامله سنی کوزر ویا هیئت عمومیه ده
 برکوردی چیقاریر ویا مجلسه دوام ایدلامك ایچون براتفاق عقدینه اوک ایاق
 اولور ویا رفقاسندن برقاچ ذاتی تحقیر ویا اعضاء وتهدید ایترایسه حقننده تقبیح
 جزاسی حکم اولنور

طقسان اوچنجی ماده مبعوثلردن هرکیم تقبیح جزاسيله محکوم اولوبده مطاوعت
 کوسترمز ویا هیئت عمومیه ده بر ویا برقاچ ذاتی معاملات جبریه اجراسنه تشویق
 ایلر ویا هیئت مبعوثانك برقمینه یا عمومیه ویا خود رئیسسه موجب حقارت برشی
 یاپار ویا هیئت اعیان علیه برسوز سویلرایسه تقبیح ایله برابر مجلسدن موقتاً
 اخراجنه حکم اولنور

طقسان دردنجی ماده مجلسدن موقتاً اخراجنه حکم اولنان مبعوث درحال
 هیئت عمومیه دن چیقمه مجبور واندن صکره مجلسلردن بربری آردنجه اوج مجلسه
 کلکدن ممنوعدر

طقسان بشنجی ماده کرک تقبیح کرک تقبیح ایله برابر مجلسدن موقتاً اخراج
 جزاری ریاست طرفندن وقوعبوله حق تکلیف اوزرینه هیئت عمومیه ده بلامذاکره
 وایاغه قالمق صورتیه رأی ویریلهرک حکم اولنور

حقننده بویه برتکلیف وقوعبولان مبعوثك قبل الحکم یا بالذات ویا رفقاسندن برینك
 واسطه سيله تبریه ذمه حقی وارددر

کرک تقبیح کرک تقبیح ایله برابر موقتاً مجلسدن اخراج جزالرینه دائر هیئتجه ویریلان
 قرار ضبط جریده سنه مصرحاقید اولنور

طقسان التنجی ماده هیئت مبعوثان دائره سنك داخلنده مبعوثلردنبری برجنحه
 وقباحث ایشلیه جک اولور ایسه درحال مذاکراته موقتاً ختام ویریلوب رئیس
 طرفندن هیئت عمومیه به بیان حال اولنور رئیسك امری اوزرینه قباحث وجنحه
 صاحبی ریاست اوطله سنه جلب اولنوب هیئت مبعوثانك کاتلری دخی حاضر

(اولدیغی)

اولدیغی حالده کندوسندن استیضاح ماده ایدیلور انک اوزرینه بر مضبطه یاپیلوب ایجابنه باقلمق اوزره مقام صدارته کوندریلور

❀ اون دردیجی فصل ❀

(هیئت مبعوثانک انضباط داخلیمی بیاندهدر)

طقسان یدنجی ماده هیئت مبعوثانک محافظه امنیت امرنده لازم کلان تقیدات اجراسی مقام ریاستک وظائفی جله سندندر

طقسان سکزنجی ماده هیئت مبعوثانک ضبط و ربطی هیئتک نامنه اوله رق ریاست طرفندن اجرا اولنور .

طقسان طقوزنجی ماده خارجدن بر کیسه مبعوثانه مخصوص محله هیچ برسبيله داخل اوله من

یوزنجی ماده هیئت مبعوثان منعقد اولدیغی ائشاده سامعینه مخصوص محله بولنانلر یرلنده اوطوروب سکوت انک شرطدر انلردن هر کیم تحسین وعدم تحسینه دائر برشی یاپار ویاسویلرایسه نظام وانتظامک وقایه سنه مأمور خدمه مقام ریاستک امریله در حال انی طیشاری چیقار هر کیم اولور ایسه اولسون هیئت عمومیه نک مذاکرانه مانع اوله جق حرکته بولنور ایسه در حال عائد اولدیغی مرجعه شکایت اولنور

❀ اون بشنجی فصل ❀

(هیئت مبعوثانک هیئت اعیان ایله معاملات ومناسباتی بیاندهدر)

یوز برنجی ماده هیئت مبعوثانه حواله اولنان قانون لایحه لرینک هر بری قطعیا قبول اولندقجه رئیس طوغریدن طوغری به انی هیئت اعیان رئیسنه ارسال ایدر .

یوزایکنجی ماده هیئت مبعوثاندن قبول اولنان بر قانون لایحه سی تعدیل اولتمق اوزره هیئت اعیاندن اعاده اولنور ایسه برانجمن تعیین اولنور .

بوانجمن هیئت اعیانندن تعیین اولنان انجمن ایله برلشدیریلوب طلب اولنان تعديلات
 عباره سنك قرارلشدیرلسنی مبعوثلردن بری تکلیف ایده بیلور بوصورت هیئتجه
 قرارلشدیرلدیغی حالده بومأموریت یالایحه یی مقدما تدقیق ایدن انجمنه یاخود
 شعبه لردن مجدداً انتخاب اولنان دیگر برانجمنه حواله اولنور
 طرفین انجمنلری تعديلات مطلوبه نك عباره سی حقنده اتفاق واتحاد ایدرلر ایسه
 هیئت مبعوثان انجمنی موافقت طرفین ایله تنظیم اولنان عباره یی حاوی برمضبطة
 قلمه الوب هیئت عمومیه نك مذاکراتی عباره اوزرینه جریان ایدر

❀ اون التنجی فصل ❀

(موادشتی)

یوزاوجنجی ماده هیئت مبعوثان طرفندن برالایده ویارسم محلنده بولنقی ایچون
 تعیینی لازم کلان اعضا قرعه ایله انتخاب اولنور بونلرک اقتضای حاله کوره
 تعیین عددی هیئتک قرارینه متوقعدر رئیس ایله کاتبلردن ایکسی برلکده بولنور .
 یوزدرنجی ماده انتخابی تدقیق اولنمش برمبعوث مبعوثلقدن استعفا ایده بیلور
 فقط بوتدقیقدن اول استعفا ایدن مبعوثک استعفا سی انک انتخابی تدقیق انلک
 حقندن هیئت مبعوثانی اسقاط ایده مز
 استعفا ایدن مبعوثک استعفانامه سی رئیس طرفندن مقام صدارته تقدیم اولنور .
 یوزبشجی ماده اشبو نظامنامه نك رئیس انتخابنه ومبعوثلرک تدقیق انتخابانه
 دائر ماده لری یک ایکیوز طقسان اوج سنه سی تشرین ثانیمی ابتداسندن اعتباراً
 مرعی الاجرادر

اراده سنیه تاریخی

فی ۲۹ ربیع الاخر سنه ۱۲۹۴ وفی ۱ مایس سنه ۱۲۹۳

❀ اوراق اوطه سی نظامنامه سیدر ❀

باب عالی اوراق اوطه سی یالکر دارالخلافه العلیه ده بولنان دوائر وخزائن جلیله
 (جانب لردن)